



山陰縣志卷之五

通志縣院右副都御史臣覺羅石麟奉

重修

人物

蒲州府

上古

虞幕舜曾祖也能平聽協風以生樂而成物有虞氏報焉孔

晁云幕能造道功不及祖德不及宗故每於歲之大蒸而

報祭之左氏言舜祭幕而風俗通亦謂舜祖幕與呂梁碑

合賈逵韋昭乃以幕爲虞思蓋因世本序舜爲高陽五世

孫而所謂幕者無地以置之遂以爲後世爾按內傳國語

胥云自幕至於瞽瞍無違命然後言舜重之以明德豈得

山陰縣志卷之五 人物

云舜後哉幕生螭牛螭牛生瞽瞍

虞

夔高陽氏後虞臣修大招六列五英以明帝德以降上神通  
八風而齊上下帝因伯夷讓秩宗隨才任用乃命曰夔命  
汝典樂教胄子樂記夔始制樂以賞諸侯劉恕外紀重黎  
舉夔典樂欲益求人帝曰樂天下之情得失之節夔能和  
之以平天下一而足矣史記夔曰於予擊石拊石百獸率  
舞路史夔封於歸爲熊姓今秭歸縣東二十里有夔子城  
童律 狂章 鴻蒙胥佐禹治水制水怪乘龍降之  
滌鴻虞臣奏庶鮮食爰封之梁

四岳虞臣國語伯禹象物天地比類百則共之從孫四岳佐  
之高高下下疏川導滯鍾水豐物帝胙四岳國命爲侯伯

賜姓曰姜氏曰有呂謂其能為禹股肱心膂以養物

人也

鄭康成曰四時官主方嶽之事路史注云書咨四岳僉曰言僉非一人也見書大傳伯夷之子為西嶽

襲之爾太史公不應以四岳為一人韋昭以四岳為伯夷也

爰虞臣垂嘗讓共工焉

斯虞臣羣龍輔德之一也虞咨共工垂嘗讓焉

伯與虞臣羣龍輔德之一也虞咨共工垂嘗讓焉

朱虞臣羣龍輔德之一也虞咨虞益嘗讓焉

虎虞臣益嘗讓虞焉

熊虞臣益嘗讓虞焉

陽伯 羲伯有虞氏定八伯之樂元祀岱泰山貢陽伯羲伯

之樂

夏伯 羲伯中祀大交霍山貢夏伯羲伯之樂

山西通志 卷二十一  
秋伯 和伯秋祀柳穀華山貢秋伯和伯之樂

冬伯 和伯冬祀幽都宛山貢冬伯和伯之樂此所謂八伯之樂也

孟虧史作孟戲少昊氏裔虞臣能馴鳥獸而致鳳凰爰封之蕭夏后氏衰孟虧去之而鳳凰隨焉

伯奮 仲堪 叔獻 季仲 伯虎 仲熊 叔豹 季狸

皆高辛氏裔子世稱八元舜舉爲佐季文子曰忠肅恭懿宣慈和惠天下之民謂之八元世濟其美不隕其名以至於堯堯不能舉舜臣堯舉八元使布五教於四方父義母慈兄友弟恭子孝內平外成杜預云八元卽稷契朱虎熊羆之倫路史久元實沈閼伯晏龍叔戲巫人續牙厭越也

正義云史記殷周皆爲帝嚳之裔其字相類如五刑

櫻契朱虎熊羆之倫也尚書更有夔龍之徒亦應有在  
惟之內者但更無明證名字又殊不知與誰為可故不復  
言之羅莘曰八元當是二母黨故皆以伯仲叔季為號書  
有朱虎熊羆說者以為二人子稽之四人也虎為伯虎熊  
為仲熊江東語豹為朱語音相轉是朱為叔豹也則熊為  
季理必矣故人物表作季熊蓋漢去焚書未久猶有傳習  
故尚存一二但熊當作羆傳寫誤也  
伯奮是棄契之倫而叔獻則叔獻也

蒼舒

隤斂

檣斂

大臨

龙降

庭堅

仲容

叔達

皆高陽氏裔子世稱八凱舜舉之為佐季文子曰齊聖廣  
淵明允篤誠天下之民謂之八凱世濟其美不隤其名以  
至於堯堯不能舉舜臣堯舉八凱使主后土以揆百事莫  
不時序地平天成杜預云八凱即垂益皋陶之倫庭堅即  
皋陶字路史伯益之字隤斂封之於梁庭堅封安安既復  
封蓼後俱滅於楚猶以國氏左傳正義云司馬遷夏本紀稱禹是顓頊之後秦本紀稱  
皋陶是顓頊之後伯益則皋陶之子垂之所出史無其文  
舊說相傳亦出顓頊故云此即垂益禹皋陶之倫也服虔

云八人禹垂之屬也六年傳臧文仲聞六與蓼滅云臯陶  
庭堅不祀忽諸知庭堅臯陶為一人其餘則不知誰為禹  
誰為益故云之倫之屬不敢斥言也羅苹云賡數乃伯益  
之字為堯伊衡服虔以八凱為垂之屬杜以為垂益臯陶  
之倫正義乃謂垂益臯陶皆顓頊之後妄也垂乃炎帝之  
後臯陶乃少昊之後也杜又以八元為契等八凱為禹等  
蓋以書言契敷五教禹平水土而傳云舉八凱使主后土  
舉八元使布五教因謂禹契在其中蓋八元八凱非主一  
事云主后土布五教以事之大者言而帝德云堯命伯夷  
虞舜彭祖杜預謂史克之言有過辭為美稱庭堅班固杜  
預等以為臯陶字鄭注論語以為臯陶號曰庭堅非也文  
公五年蓼與六滅臧文仲曰臯陶庭堅不祀是二人也書  
傳本有兩舉人名與字者是堯多用之矣又寶積記云一  
曰八神一日八力一日八英言神力英明也又記云夢曰  
則生子八夢日而生八子故曰夢

周

郇伯文王子周初為州伯治諸侯有功其後周室凌夷而小  
國困弊曹人作詩以思之云四國有王郇伯勞之

伯達 伯适 仲突 仲忽 叔夜 叔夏 季隨 季隨

論語周有八士伯達伯适仲突仲忽叔夜叔夏季隨季  
賜正義八士南宮氏文王時皆爲虞官故胥臣曰文王之  
卽位也詢於八虞及武王伐商命南宮伯達遷九鼎於洛  
邑命南宮适散鹿臺之財仲突以下其行事不少槩見汲  
冢周書克殷解乃命南宮忽振鹿臺之粟乃命南宮伯達  
與史佚遷九鼎蓋南宮忽卽仲忽南宮伯達卽伯達尚書  
所謂南宮适卽伯适也又宣和博古圖武王時有南宮仲  
蓋卽仲突仲忽也是八士者皆南宮氏也周書武寤解尹  
氏八士太師三公咸作有績又和寤解王乃厲翼於尹士  
八士註八士武王賢臣也馬融鄭康成皆曰八士爲成王  
時人劉向以爲宣王時人朱註兩存之且曰不可考然謂  
成王時人者近是今猗氏縣北南景村有八士故里暨八

士墓縣志明隆慶初崖崩石出僅辨八士數字偏傍模刻  
邑人何東序有詩詠之

**荀**叔軫郇伯後竹書桓王元年莊伯以曲沃叛伐翼公子萬  
救翼荀叔軫追之至於家谷翼侯焚曲沃之禾而還二年  
莊伯復攻晉公子萬救翼荀叔軫追之至於家谷五年荀  
人董伯皆叛曲沃十三年曲沃滅荀左傳桓公九年王命  
虢仲梁伯荀侯賈伯伐曲沃

孫息路史荀侯之後孫息食知爲知氏智氏羅苹云孫息後  
爲三族一公族逝敖生林父爲中行將謂荀中行氏一林  
父弟首邑於知爲荀知氏一逝敖曾孫歡食邑程爲荀程  
氏

瑕呂飴甥字子金食采於陰襄王八年秋惠公與秦戰被獲

公使卻乞告飴甥且召之飴甥教之言曰朝國人而以君命賞且告之曰孤雖歸辱社稷矣其卜貳圉也衆皆哭晉於是乎作爰田飴甥曰君亡之不恤而羣臣是憂惠之至也將若君何衆曰何爲而可對曰征繕以輔孺子諸侯聞之喪君有君羣臣輯睦甲兵益多好我者勸惡我者懼庶有益乎晉於是乎作州兵十月飴甥會秦伯盟於王城秦伯曰晉國和乎對曰不和小人恥失其君而悼喪其親不憚征繕以立圉也曰必報讐寧事戎狄君子愛其君而知其罪不憚征繕以待秦命曰必報德有死無二以此不和秦伯曰國謂君何對曰小人感謂之不免君子恕以爲必歸小人曰我毒秦秦豈歸君君子曰我知罪矣秦必歸君貳而執之服而舍之德莫厚焉刑莫威焉服者懷德貳者

畏刑此一役也秦可以霸納而不定廢而不立以德爲怨秦不其然秦伯曰是吾心也改館晉侯饋七牢歸之十七年文公入曲沃飴甥與卻芮謀焚公宮秦伯誘而殺之荀林父晉人襄王二十一年文公作三行以禦狄林父將中行因以爲氏葦陰之役佐上軍敗秦師於令狐頃王四年復佐中軍禦秦師於河曲秦師夜遁累將伐陳伐宋胥有功定王四年赤狄伐晉圍懷及邢邱成公欲伐之林父曰使疾其民以盈其貫將可殪也周書曰殪戎殷此類之謂也十年將中軍與士穀等救鄭聞鄭旣及楚平林父欲還士穀不從以中軍佐濟與楚戰於邲晉師敗績林父歸請死景公欲許之士貞子諫曰林父之事君也進思盡忠退思補過社稷之衛也若之何殺之夫其敗也如日月之食

焉何損於明公使復位及滅赤狄公賞以狄臣千室亦賞  
士伯以瓜衍之縣曰微子吾喪伯氏矣卒諡桓子子庚定王  
十九年佐中軍與欒書等伐秦敗之於麻隧獲秦成差及  
不更女父庚子偃字伯游簡王十一年從厲公佐上軍敗  
楚鄭於鄢陵明年胥童夷羊五殺三郤皆尸諸朝以甲劫  
偃暨欒書於朝欲殺之公不忍未幾偃與書執公弑之使  
迎立悼公於周是年夏與韓厥帥師伐鄭入其郛敗其徒  
於洧上明年復侵鄭會於戚遂城虎牢鄭人乃成靈王八  
年將上軍與韓起及諸侯之師伐鄭圍之鄭人恐乃行成  
九年與士匄滅偃陽封宋以偃陽子歸荀瑩卒晉蒐於縣  
上使偃將中軍平公初復與欒黶帥師伐楚戰於堪敗之  
遂侵方城之外復伐許而還十七年齊侵魯偃將伐之夢

與厲公訟弗勝公以戈擊之首隊於前跪而戴之奉之以  
走見梗陽之巫臯他日見諸道與之言同巫曰今茲主必  
死若有事於東方則可以逞偃許諾乃請公伐齊將濟河  
以朱絲係玉二穀而禱沈玉而濟齊侯禦諸平陰偃使司  
馬斥山澤之險雖所不至必旆而䟽陳之使乘車左實右  
僞以旆先輿曳柴而從之齊侯登巫山望之畏其衆乃脫  
歸夜遁偃帥師克京茲魏絳等因克郭圍廬及秦周伐雍  
門之荻門於雍門復焚雍門及西郭南郭劉南士弱帥諸  
侯之帥焚申池之木竹焚東郭北郭東侵及濰南及沂師  
還自沂上魯襄公享之於蒲圃賜以三命之服偃瘳疽生  
瘍於頭還濟河卒諡曰獻

初吳荀偃之子靈王二十五年平公使吳聘魯景王四年與

魏舒帥師伐狄毀車爲行敗之於大鹵十六年秋晉會諸侯於平邱鮮虞人聞晉師之悉起也而不警邊且不修備吳自著雍以上軍侵鮮虞及中人驅衝競大獲而歸平邱之會晉執季孫意如以歸魯昭公如晉吳謂韓宣子曰諸侯相朝講舊好也執其卿而朝其君有不好焉不如辭之乃使士景伯辭昭公於河歸季孫十八年復帥師伐鮮虞圍鼓鼓人或請降吳弗許或曰師徒不勤而可以獲城何故不爲穆子曰吾聞諸叔向曰好惡不愆民知所適事無不濟或告以吾城叛吾所甚惡也人以城來吾獨何好焉賞所甚惡若所好何若其弗賞是失信也何以庇民力能則進否則退量力而行吾不可以欲城而邇姦所喪滋多使鼓人殺叛人而繕守備圍鼓三月鼓人或請降使其民

見曰猶有食色姑修爾城軍吏曰獲城而弗取勤民而頓  
兵何以事君穆子曰吾以事君也獲一邑而教民怠將焉  
用邑邑以賈怠不如完舊賈怠無卒棄舊不祥鼓人能事  
其君我亦能事吾君率義不爽好義不愆城可獲而民知  
義所有死命而無二心不亦可乎鼓人告食竭力盡而後  
取之克鼓而反不戮一人又二年復帥師滅陸渾宣子夢  
文公攜吳而受之陸渾故使吳帥師獻俘於文公卒諡穆  
子寅定公時爲下卿以亂奔朝歌人稱文子

荀騅景公時大夫鞏之戰有功公命爲卿

荀賓晉大夫有力而不暴悼公命爲戎右司士屬焉使訓勇  
力之士

荀家

荀會

國語作檜

晉人悼公命爲公族大夫曰荀家惇惠荀

會文敏

魏鄒荀氏別族端而不淫且好諫而不隱悼公命爲乘馬御  
六騶屬焉使訓羣騶知禮

魏絳魏犢子勇而不亂悼公卽位使爲司馬靈王二年公盟  
諸侯於雞澤公弟揚干亂行於曲梁絳戮其僕公怒謂羊  
舌赤曰合諸侯以爲榮也揚干爲戮何辱如之必殺魏絳  
無失對曰絳無二志事君不辟難有罪不逃刑其將來辭  
何辱命焉言終魏絳至授僕人書將伏劒士魴張老止之  
公讀其書跣而出曰寡人之言親愛也吾子之討軍禮也  
寡人有弟弗能教訓使干大命寡人之過也子無重寡人  
之過敢以爲請公以絳爲能以刑佐民矣反役與之禮食  
使佐新軍三年請公和戎公曰戎狄無親而貪不如伐之

絳曰諸侯新服陳新來和將觀於我我德則睦否則攜貳  
勞師於戎而楚伐陳必弗能救是棄陳也諸華必叛獲戎  
失華無乃不可乎公悅使絳盟諸戎修民事田以時七年  
夏四月佐趙武將新軍圍鄭鄭人恐乃行成十一月己亥  
同盟於戲公歸謀所以息民絳請施舍輸積聚以貸自公  
以下苟有積者盡出之國無滯積亦無困人公無禁利亦  
無貪民所以幣更賔以特牲器用不作車服從給行之期  
年國乃有節九年秋七月諸侯伐鄭晉師城梧及制絳與  
士魴戍之鄭及晉平楚子囊救鄭晉師與楚師夾潁而軍  
諸侯之師侵鄭北鄙而歸楚人亦還明年十二月公會諸  
侯於蕭魚鄭人賂晉以師悝師觸師蠲廣車軌車淳十五  
乘甲兵備凡兵車百乘歌鐘二肆及其鑄磬女樂二八公